



13. maj 2019

UPA 2019/119

Atassut

Siverth K. Heilmann

**Kinguaassiuutitigut atornerluisoqarsimatillugu ilaqutariit eqqugaasut ataatsimoortillugit avissaartuutsinnagit piffinni katsorsaqaatigiittalernissaat anguniarlugu qanoq iliiuseqartoqarsinnaanera pillugu apeqquteqaat aallaavigalugu inatsisartunut oqallisissiaq.**  
(Inatsisartunut ilaasortaq Jess Svane, Siumut)

Atassummiit qujavugut oqallisissiamut.

Atornerluisoqarsimatillugu katsorsaasinnaanermik periarfissat suut qanorlu amerlatigisut sumi tamarmik nalilersorneqassallutik taamatullu taamatut suliaqarsinnaanermik ilinniarsimasut sulititassat qanoq amerlatigineri ilisimassallutigit kommune peqatigalugu pingaaruteqarpoq.

Meeqqat, arnat, angutit, atornerluisimasullu kiisalu pinerluuteqarsimasut ilanngullugit ikiorserneqarsinnaanissaannut ulluinnarni tarnikkut peqqinnarnerusumik inuuneqarnissaannut tarnip pissusiisigut ilinniarsimasunik kiffartuunneqarsinnaanissaat periarfissatsialaasariaqarpoq siunissami.

Ullutsinni skype piffiit ilaanni atorluarneqartarput. Pisortaqaarfiulli suliffiutaanni aaqqissuussinikkut periarfissat taamatullu suleqatigiisitassat imminnut ataqaatigiissarluarneqarsinnaappata tamanna pitsaasumik angusaqarfiusinnaanera Atassummiit qularutiginnilarput.

Inuppassuaqartarpoq ilaatigut ukioqqortusisunik tarnimikkut ikiorserneqartariaqartartunik, tassaniittarpulli aamma nammineq pisuussutigisaminnik atornerluisuusimasut kiisalu aamma pinerluuteqarsimasut, taakkua ilanngullugit pisariaqartitsineri malillugit ikiorserneqarsinnaasariaqarput.

Suliassanut taama ittunut Kommune-mi attuumassuteqartut atorfilittallu peqatigalugit ilusilersuisoqarsinnaavoq, aammalu nalunngisatsituut taama iliortoqartareerpoq tarnikkut ikiortariaqartunik oqaloqateqartarlutik.